



Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 20/10/2025

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministesch fir Sozialversécherung weiderzeleeden.

An der Äntwert op d'parlamentaresch Fro n° 2878 huet d'Madamm Ministesch confirméiert, datt bei den Aspuerunge bei de Labosanalysen besonnesch och d'Aktioun BC191 (Vitamin B12) concernéiert ass, wou nei Reegele baséierend op den "Kumulsregelen" an de "bonnes pratiques" zum Aspuere vu Käschte bäidroen sollen.

Et ass awer medezinesch bekannt, datt Patiente, déi Metformin huelen, séier en erhéichte Risiko fir e Vitaminn B12-Mangel hunn. Metformin ass net nëmmen eent vun den am meeschte verschriwwenen Medikament bei Diabetes Typ 2, mee gëtt och bei enger Rei anere medezinesche Problemer oder Krankheeten dacks verschriwwen, wéi zum Beispill bei Iwwergewicht, dem metabolesche Syndrom, an der Preventioun vun Depressiounen, dem Polyzysteschen Ovarial-Syndrom (PCOS) oder och bei Schwangerschaftsdiabetes.

An deem Zesammenhang wëllt ech der Ministesch dës Froe stellen:

1. Huet d'Ministesch eng Analys gemaach, wéi vill Patient:innen vu verschiddenen Altersgruppen a mat verschiddene medezinesche Konditiounen (Diabetes, PCOS, metabolescht Syndrom, Schwangerschaftsdiabetes, etc.) aktuell Metformin verschriwwen kréien an dofir e reegelméisseg Vitaminn B12-Monitoring brauchen?
2. Wéi gëtt sécher gestallt, datt déi nei "bonnes pratiques" a "Kumulregelen" bei der BC191-Aktioun net zu Laaschte vun all dëse vulnerabele Patientengruppen ginn, bei deenen e Vitaminn B12-Mangel zu schwéiere Komplikatiounen féiere kann?



3. Gesäit d'Nomenclatureskommissioun spezifesch Ausname fir Patient:inne mat chronesche Behandlungen mat Metformin fir, onofhängeg vun der Gronderkrankung, fir ze garantéieren, datt néideg Kontrolle weiderhi kënne gemaach ginn, ouni dobäi zu enger grousser finanzieller Lascht vun de betraffene Patient:innen ze ginn?
4. Gouf bei der Ausaarbechtung vun deene "bonnes pratiques" d'Expertise vun Endokrinologen, Gynäkologen, Psychiateren a Generalisten agezunn, fir déi spezifeschen Nofro vun all dëse Patientengruppen ze berücksichtegen?
5. Wéi wëll d'Ministesch verhënneren, datt Patient:innen mat engem Vitaminn B12-Mangel wéinst enger Metformin-Therapie net diagnostizéiert ginn, well hir Dokter aus Angscht virun engem Refus vum Remboursement manner Tester verschreiwen? Gëtt et Daten iwwer déi aktuell Verschreibungspraxis vun BC191-Tester bei Metformin-Patient:innen?
6. Ass d'Regierung bereet, d'Aspuerungsmoossname beim BC191 nach emol ze iwwerpräiwen a geziilt Ausname fir zum Beispill Metformin-Patient:innen mat méi wéi 6 Méint Behandlungsdauer anzeféieren?

Mat déiwem Respekt,



CLEMENT Sven
Deputéierten

